

SANTA APOLONIA

birjina eta martiria

† 250 (Alejandria)

Apoloniaren gurasoek, seme-alabarik ezin euki ei eben, eta honen ama izango zanak, kristasuen talde bati Maria, Jainkoaren Ama zala entzunez, hari erreguka hasi jakon bera paganoa izan arren. Eta umedun gelditu ei zan.

Horren kontakizuna umetan entzuteko aukerea izan eban Apoloniak, eta bera ere kristau bihurtu zan.



Alejandrian —hangoxea zan Apolonia— kristauak zori txarra ekarrela uste eben eta aurrean erabilten zituen. Apoloniak ere zurrean erabilia izatea sufritu eban eta kristautasuna ukatzen ez baeban, biztuta euken sute handi haretara botako ebela entzun ebanean bere burua bota eban bertara, horrela eskeiniz Jesu Kristori bere birjintasuna.

Sarrera-oharra

Ondo etorri, senideok, Apolonia martiri santuaren jaia ospatzera. Zer eskatuko deusagu santa honi? Haginetako minik ez daigula izan? Jasan eban martiritzan, harrikada batez haginak atara eutsoezan eta txikitu ahoa; halan ere ez eban Jesus madarikatu.

Guk, gehienok, behar bada, geure hagineta gitxi daukaguz, eta ahoko minik, behar bada, ez dogu eukiten. Baina bai entzuten dala Jainkoaren eta sakratuen aurkako madarikapenik...

Zertan izan daikegu, ba, Apolonia laguntzaile eta

eredu? Berak lez Jesus maite izango bagendu, eskatzea barik gurea barrutik ataratea izango litzateke, hantxe daukagulako Jainkoaren dohai osoa.

Eskatu deiogun, ba, berak lez aurkitu daigula geuk ere gure bizitzako benetako Jauna, Jesu Kristo. Ez gaitezala galdu eskaritxoetan eta txantxetetan...

Sarrera abestia

GOAZEN ALKARTURIK biztuta fedea
argitan zabalik maitasun bidea.

¹	<i>Entzun dezagun</i>	²	<i>Gurekin dogu maisu ta</i>
	<i>apaltasunez</i>		<i>lagun</i>
	<i>entzun dezagun Jaunaren</i>		<i>gurekin dogu, gurekin,</i>
	<i>hitza</i>		<i>Jauna!</i>
	<i>Bere hitzetan gure egia</i>		<i>Egin dezagun zuzentasunez</i>
	<i>gure indarra gure bizia.</i>		<i>ta maitasunez bere esana!</i>

† Aitaren eta Semearen eta Espiritu santuaren izenean.
—Amen.

† Gure ahulezietan / bere ahalmenaren indarra
agertzen deus**kun** Jainko Jauna / izan bedi zuekin.
—Eta zure espirituarekin.

Damu-otoitza

Gure zaindariaren eguna eukaristiaren mahai inguruan ospatzeko alkartu garanok, autortu daigun Santa Apoloniaren fede-sendotasuna eta gure fedearen makaltasuna, eta hartu daigun babes Jainkoaren errukian:

—Jesus Jauna, Jainkoaren nahia bilatzen zenduana.
Erruki, Jauna!

—Jesus Jauna, Jainkoaren erreinua iragarten zenduana.

Kristo, erruki!

—Jesus Jauna, makalak indardun bihurtzen dozuzana.
Erruki, Jauna!

OTOITZA

† *Egin daigun otoitz*

Oi Jainko, gaur Apolonia birjina eta martiri santuaren
urteroko oroitzapenaz pozten gaituzu;
egizu, arren, haren irabaziek lagundu deiguela,
haren garbitasunaren eta kemenaren distirak
argitzen gaituan lez.

Zure Seme Jesu Kristo gure Jaunaren bitartez,
Zurekin eta Espiritu Santuarekin batean
Jainko eta errege bizi da-eta gizaldi eta gizaldietan.

HITZAREN LITURGIA

St 1, 2-4. 12

Argi erakusten deusku irakurgai honek zelango
kemenez bizi izan eben sinismena gure aurretikoek: ez
eben euren baina beste siniskerarik onartzen. Gaur
egun, sinistek ez dauka baliorik, barre egiten jako
sinistunari eta ez-ikusia egiten jako...

Zorionekoa probaldian sendo irauten dauan gizakia!

Santiago Apostoluaren epistolaren hasiera

Ene senideok, egon zaiteze pozik edozein eratako
tentaldik erasotzen deusuenean. Badakizue zuen
sinismenak, probatua danean, eroapena dakarrela.
Eta eroapenak lortuko dau bere helburua,
heldutasun beteko pertsonak izan zaitezen, ezelako
akatsik bakoak.

Zorionekoa probaldian sendo irauten dauan
gizakia! Proba gaingitu ondoren, Jainkoak bera maite
dabenei agindu deuten betiko bizia jasoko dau-eta

sari.
Jaunak esana.

Erantzun salmoa 125

Sinismena bizi izatea neketsu egiten jakenak dira euren bizikerea salmo honetan agertzen dan eran iragarten dabenak: neketsua izan arren, merezi dau sinistedun lez bizi izateak.

R/. Malkoz erein baebe, pozez batuko dabe



Jaunak Siongo atxilotuak era**karte**an,
ba gengozan amets-**ant**zean.
Orduan bete jakun aho**a** barrez,
gure mihina go**rat**zarrez. **R/.**

Atzerrietan orduan **esan** eben:
«Jauna handikiro jokatu**a** dabe».
Gugaz handikiro jokatua **da** Jauna:
hauxe da poza dau**kag**una! **R/.**

Bihurtu, Jauna, gure **zor**ia,
Negeb-eko erreka-urak **bez**ala.
Malkoz erein **bae**ben
pozez batu**ko** dabe. **R/.**

Haruntzakoan, hor doaz **ne**garrez,
ereiteko gari-zorroa **ero**anez;
pozik etorriko dira honunt**za**koan,
gari-azauak es**ku**etan. **R/.**

Mt 10, 28-33

Sufritu geikezan eraso guztiei aurre egiteko berbak entzungo doguz Nazaretarraren ahorik. Egin deiogun harrerea Aleluia abestuz, zutunik.



(R/. Aleluia.)

V/. Zorionekoa probaldian sendo irauten dauan gizakia!
 Proba gainditu ondoren,
 betiko bizia jasoko dau-eta sari. (R/.)

Ez izan bildurrik gorputza hiltzen dabenei.

† Jesu Kristoren Ebanjelioa San Mateoren liburutik

Aldi haretan, Jesusek esan eutsen apostoluei: «Ez izan bildurrik gorputza hil bai, baina bizia kendu ezin dabenei; izan bildur, gorputza ez ezik, pertsona osoa be infernua galdu leikeanari.

Ez ete dira txori bi txanpon baten saltzen? Halan be, ez da bat bakarra be lurrera jausten zuen Aitaren baimenik barik. Zuen buruko uleak be zenbatuta ditu Jainkoak. Ez, bada, bildur izan; txori guztiek baino gehiago balio dozue zuek.

Jentearen aurrean autortzen nauana autortuko dot Neuk be zeruko neure Aitaren aurrean; baina jentearen aurrean ukatzen nauana ukatu egingo dot Neuk be zeruko neure Aitaren aurrean».

Jaunak esana.

HOMILIA

ESKARIAK

† Jesukristo maite ebalako azkeneraino jarraitu eutson Santa Apoloniaren eskutik egin daiguzan gaurko eskariak:

—Eleizearen alde: bere seme-alabek maite eta zerbitzatu daien, eta sortu daitezcan hainbeste behar diran bokazinoak, *eskatzen deutsugu, Jauna*.

—Eleiztarren alde: sinismena landu eta gaurkotu daien, eta beti bilatu daien Jainkoari eskuzabaltasunez erantzutea,

eskatzen deutsugu, Jauna.

—Bizitza gero ta erosoago ta hobeago baten atzean gabizanak gure ingurura ere begiratu daigun, eta hartu daiguzan gogoan bizitza hobeago baten bila gure artera datozenak, *eskatzen deutsugu, Jauna.*

—Eukaristia hau ospatzeko alkartu garanok Jainkoari non eta zelan entzun ikasi daigun, eta esker onezko erantzuna emon ahal izan deiogun Santa Apolonia eredu dogula, *eskatzen deutsugu, Jauna.*

† Zure Barri Onaren autorle nahi gaituzun Jainko Aita: egin gaizuz geu ere Santa Apoloniaren antzeko sutsuak gure sinismena autortzen. Jesukristo gure Jaunaren bitartez. — Amen.

EUKARISTIAREN LITURGIA

Eskeintza

Bedeinkatua zu, Jauna, zeru-lurren Jainkoa, zeure esku zabaletik hartu ditugu orain ekarri deutsuguzan ogi-ardauok, lurraren indarrak eta gizakiaren lanak sortuak: honeexek egingo jakuz biziaren ogi ta betiko zorionaren edari.

—Bedeinkatua zu, Jauna, orain eta beti.

Senideok: egin daigun otoitz, guztiok batean, Eleiza osoaren oparia Jaungoikoari eskeintzerakoan.

—Jainkoa goresteko eta gizakiak salbatzeko.

Oparien gainekoa

Atsegingarri izan bekizu, Jauna,
Apolonia bijina martiri santuaren egunean
egiten dihardugun eskeintza,
haren martiritza atsegingarri izan jatzun lez.
Jesu Kristo gure Jaunaren bitartez.

Prefazioa

V./ Jauna zuekin..... R./ Eta zure espirituarekin
V./ Gora bihotzakR./ Jaunagan daukaguz
V./ Eskerrak Jaungoiko gure Jaunari.....R./ Egoki da eta zuzen.

Egoki da, bai, eta zuzen, bidezko eta salbagarri,
nonahi eta beti guk Zuri eskerrak emotea,
Jauna, Aita guztiz santu,
Jainko ahalguztidun betiko horri.
Kristori jarraituz, Apolonia birjina martiri santuak
zure izena autortzeko isuri eban odolak
argi erakusten ditu zure miragarriak:

gure makaltasunean zeure ahalmena agertzen dozu
eta indartsu egiten indarrik bakoa,
zure testigu izan dadin,
Jesu Kristo gure Jaunaren bitartez.
Horregaitik, zeruko indar guztiekin,
lurrean beti eta beti goresen zaitugu,
Zuri, Jainko guztiz handi horri,
eten barik [esanez] kantatuz:
Santu, santu, santua...

III. Eukaristi-Otoitza

Santu zara, bai, Jauna,
eta diran guztiek emoten deutsue behar dan gorespena.
Zure Seme Jesu Kristo gure Jaunaren bitartez
eta Espiritu Santuaren indarrez,
Zeuk biziazoten dituzu guztiak eta santutzen
eta Zeuk diharduzu beti eta beti zeure herria batzen,
eguzkialde batetik besteraino opari garbia eskeini dakizun.

Apalik, beraz, Jauna, eskatzen deutsugu:
egin daizuzala santu, zeure Espirituaren indarrez,
oparitako ekarri ditugun ogi-ardao honeek,
zure Seme Jesu Kristo gure Jaunaren
Gorputz eta † Odol egin daitezan,
misterio honeek berak agindurik egiten ditugun ezkeru.

Berak, saldu eben gau haretan,
ogia hartu eta, Zuri eskerrak emonez,
bedeinkatu eban,
zatitu eta bere ikasleei emon eutsen, esanez:

HARTU EIZUE ETA JAN GUZTIOK HONETATIK:
HAU NEURE GORPUTZA DA-ETA,
ZUENTZAT EMONGO DANA.

Era berean, afalondoan, kaliza harturik,
Zuri eskerrak emonez, bedeinkatu eban
eta bere ikasleei emon eutsen, esanez:

HARTU EIZUE ETA EDAN GUZTIOK HONETATIK:
HAU NEURE ODOLAREN KALIZA DA-ETA,
ITUN BARRI ETA BETIKOAREN ODOLA,
ZUENTZAT ETA ASKORENTZAT
PEKATUAK PARKATZEKO ISURIKO DANA.
EGIZUE HAU NEURE OROIGARRI.

Hau da sinismenaren misterioa.

Hil eta biztu zarala, Jauna,
Zu barriz etorri arte, hau dogu, hau, barri ona!

Horregaitik, Jauna, guk,
zure Semearen nekaldi salbagarria eta hilen artetik biztea
eta zeruratze miragarria gogoratuz,
haren azken etorrera itxaroten dogula,
Zuri eskerrak emoteko eskeintzen deutsugu
sakrifizio bizi eta santu hau.

Begira, Jauna, zeure Eleizearen eskeintza honi;
ikusi eskeintza honetan
Zurekin baketu gaituan Jesu Kristoren oparia;
egizu, Jauna, zure Semearen Gorputza eta Odola
hartzen ditugunok,
Espiritu Santuaz beterik, Jesu Kristogan
gorputz bat eta espiritu bat izan gaitezala.

Berak egin gaizala Zuretzat betiko opari,
zure aukeratuekin zerua jaritsi daigun:
lehenengo, Maria guztiz dohatsua,
Jainkoaren Ama beti Birjinarekin,
haren senar Jose santuarekin,
zure Apostolu eta martiri santuekin,
Apolonia birjina martiri santuarekin eta santu guztiekin;
badakigu, honeen bitartez
zure laguntza izango doguna nonahi eta beti.

Gu Zurekin baketzen gaituan opari hau izan bedi, Jauna,
mundu guztiarentzat bake eta salbamen.

Mundu honetako ibilaldian,
bete egizu sinismenez eta maitasunez zeure Eleizea:
zeure zerbitzari Frantzisko gure Aita Santua,
Joseba gure Gotzaina,
beste gotzain eta eleizgizon(-emakume) guztiak
eta zeurea dozun herri osoa.

Entzun, bihotz onez,
zeure aurrera deitu dozun familia honen otoitzak;
Aita guztiz ona, erakarri Zeugana
mundu zabalean banaturik dabiltzan zeure seme-alabak.

† Hildako gure senideak (...),
eta mundu honetatik Zurekin adiskide joan diran guztiak,
hartu eizuz bihotz onez zeure zeruan;
geuk ere sinisten dogu
zure aintzaren zorion betea izango dogula betiko,
eurekin batean, Jesu Kristo gure Jaunaren bitartez;
beronen eskuz emoten deutzazuz
ondasun guztiak munduari.

HONEN BITARTEZ, HONEKIN ETA HONENGAN
ZURI, AITA, JAUNGOIKO AHALGUZTIDUN HORRI
ESPIRITU SANTUAREKIN BATEAN
OSPE TA AINTZA GUZTIA
GIZALDI TA GIZALDI GUZTIETAN. —Amen.

Salbatzaileak agindu ta irakatsiari jarraituz
bildur barik esan dagigun.

GURE AITA zeruetan zarana	egun honetako ogia;
santu izan bedi zure izena,	parkatu gure zorrak
etor bedi zure erreinua,	geuk ere geure zordunei
egin bedi zure nahia	parkatzen deusegun ezkeror;
zeruan bezela lurrean ere.	ez eiguzi itzi tentazinoan
Emoiguzu gaur	jausten,
	baina atara gagizuz gatxetik.

† Atara gagizuz, Jauna, gatx guztietatik,
emoiguzu bakea gure egunotan,
zure errukiari esker
pekatutik gabi bizi izan gaitezaz
eta estualdietan sendo;
betiko zorionaren itxaropenean,
Jesukristo gure Salbatzailea
noiz etorriko dan zain gagozela.

- *Zeurea dozu erregetza;*
zeureak ospe ta indarra orain eta beti.

BAKE ESKEINTZEA (Abadeak)

† Jesukristo gure Jauna, zeuk esana da apostoluei 'bakea izten deusuet, neure bakea emoten'; begira zure Eleizearen sinismenari eta ez gure pekatuei, eta zeure gogoan danaz, emoiozu eleizeari bakea, emon batasuna, errege bizi zarat, gizaldi eta gizaldietan.

— *Amen.*

† Jaunaren bakea beti zuekin
—*Eta zure espirituarekin.*

† Emoiozue bakea alkarri.

Jaungoikoaren Bildotsa,
zeuk kentzen dozu munduko pekatua: *Erruki, Jauna.*

Jaungoikoaren Bildotsa,
zeuk kentzen dozu munduko pekatua: *Erruki, Jauna.*
Jaungoikoaren Bildotsa,
zeuk kentzen dozu munduko pekatua: *emoiguzu bakea*

JAUNARTZEA

† Hona hemen Jainkoaren Bildotsa, hona munduko pekatua
kentzen dauana: zoriontsuak honen mahaira deituak:
—Jauna, ni ez naz inor zu nire etxean sartzeko,
baina esaizu hitz bat eta osatuko naz.

JAUNARTZERAKO ABESTIA

1. Ogi hau jaten dauanak izango dau bizia.
Kaliz hontan aurkitzen da Jainko-odol guztia:
R/. Hor dogu janaria ta hor gure edaria.
2. Jaungoikoak deitzen gaitu: bera dogu janari.
Beragan dogu aurkitzen osasuna ugari.
R/. Zelan begiratzen deutson Jainkoak gizonari!
3. Danok gaur jaten badogu ogi bat mahai batean
ezin izan gorrotorik gaurtik gure artean.
R/. Alkar maitatu dagigun Jesusen izenean.

Azken otoitza

Oi Jainko, santuen koroa emon zeuntsan
Apolonia santuari birjina eta martiri izan zalako;
emoiguzu, sakramentu honen indarrez,
gatx guztiak gainditurik, lortu daigula zeruko ospea.
Jesu Kristo gure Jaunaren bitartez.

Azken onespina

† Jauna zuekin.
—Eta zure espirituarekin

† Bedeinka zaizela Jainko ahalguztidunak:


Aaitak eta † Semeak eta Espiritu santuak.
—Amen.

Azken abestia

—Jesus, munduko argia. Jesus, zinezko Egia. Jesus betiko Bizia.

Gure bihotz barruan biztu zure argia,
gaitezan gu munduan argi Jainkoz betia.

† Zoaze Jaunaren bakean.
—Eskerrak Jaungoikoari.



Egoki da, bai, eta zuzen, bidezko eta sal-ba-ga-rri, no-na-hi eta
 beti guk Zuri eskerrak e-mo-te-a, Jauna, Aita guz-tiz san-tu,
 Jainko ahalguzti - dun be - ti - ko ho-rri. Kris-to-ri jarraituz,
 Apolonia martiri san-tu-ak, zure izena autortzeko isuri eban o-do-lak
 argi erakusten ditu zu-re mi-ra - ga-rri-ak: gure makaltasunean
 zeure ahalmena agertzen do-zu-la-ko, eta indartsu egiten indarrik
 ba - ko - a, zeure testigu izan da-din, Jesu Kristo gure Jau - na-
 ren bi-tar-tez. Horregai-tik, zeruko indar guz-ti-e-kin, lurrean
 beti eta beti goresten zai-tu - gu, Zuri, Jainko guztiz handi ho-rri,
 e - ten ba - rik kan-ta - tuz:

SANTA APOLONIA

birjina eta martiria

Sarrera-oharra

Ondo etorri, senideok, Apolonia martiri santuaren jaia ospatzera. Zer eskatuko deusagu santa honi? Haginetako minik ez daigula izan? Jasan eban martiritzan, harrikada batez haginak atara eutsoezan eta txikitu ahoa; halan ere ez eban Jesus madarikatu.

Guk, gehienok, behar bada, geure haginetao gitxi daukaguz, eta ahoko minik, behar bada, ez dogu eukiten. Baina bai entzuten dala Jainkoaren eta sakratuen aurkako madarikapenik...

Zertan izan daikegu, ba, Apolonia laguntzaile eta eredu? Berak lez Jesus maite izango bagendu, eskatzea barik gurea barrutik ataratea izango litzateke, hantxe daukagulako Jainkoaren dohai osoa.

Eskatu deiogun, ba, berak lez aurkitu daigula geuk ere gure bizitzako benetako Jauna, Jesu Kristo. Ez gaitezala galdu eskaritxoetan eta txantxetetan...



GOAZEN ALKARTURIK biztuta fedea
argitan zabalik maitasun bidea.

¹ Entzun dezagun	² Gurekin dogu maisu ta
apaltasunez	lagun
entzun dezagun Jaunaren	gurekin dogu, gurekin,
hitza	Jauna!
Bere hitzetan gure egia	Egin dezagun zuzentasunez
gure indarra gure bizia.	ta maitasunez bere esana!

HITZAREN LITURGIA

St 1, 2-4. 12

Argi erakusten deusku irakurgai honek zelango kemenez bizi izan eben sinismena gure aurretikoek: ez eben euren baina beste siniskerarik onartzen. Gaur egun, sinisteak ez dauka baliorik, barre egiten jako sinistunari eta ez-ikusia egiten jako...

Zorionekoa probaldian sendo irauten dauan gizakia!

Santiago Apostoluaren epistolaren hasiera

Ene senideok, egon zaiteze pozik edozein eratako tentaldik erasotzen deusuenen. Badakizue zuen sinismenak, probatua danean, eroapena dakarrela. Eta eroapenak lortuko dau bere helburua, heldutasun beteko pertsonak izan zaitezen, ezelako akatsik bakoak.

Zorionekoa probaldian sendo irauten dauan gizakia! Proba gainditu ondoren, Jainkoak bera maite dabenei agindu deusnen betiko bizia jasoko dau-eta sari.

Jaunak esana.

Erantzun salmoa 125

Sinismena bizi izatea neketsu egiten jakenak dira euren bizikerea salmo honetan agertzen dan eran iragarten dabena: neketsua izan arren, merezi dau sinistedun lez bizi izateak.

R/. Malkoz erein baeben, pozez batuko dabe



Jaunak Siongo atxilotuak era**karte**n,
ba gengoan amets-**ant**zean.
Orduan bete jakun aho**a** barrez,

gure mihina gorratzarrez. **R/.**

Atzerrietan orduan esan eben:
«Jauna handikiro jokatua dabe».
Gugaz handikiro jokatua da Jauna:
hauxe da poza daukaguna! **R/.**

Bihurtu, Jauna, gure zoria,
Negeb-eko erreka-urak bezala.
Malkoz erein baeben
pozez batuko dabe. **R/.**

Haruntzakoan, hor doaz negarrez,
ereiteko gari-zorroa eroanez;
pozik etorriko dira honuntzakoan,
gari-azauak eskuetan. **R/.**

Mt 10, 28-33

Sufritu geikezan eraso guztiei aurre egiteko berbak entzungo doguz Nazaretarraren ahorik. Egin deiogun harrerea Aleluia abestuz, zutunik.



.../..

ESKARIAK

† Jesukristo maite ebalako azkeneraino jarraitu eutson Santa Apoloniaren eskutik egin daiguzan gaurko eskariak:

—Eleizearen alde: bere seme-alabek maite eta zerbitzatu daien, eta sortu daitezcan hainbeste behar diran bokazinoak, *eskutzen deutsugu, Jauna.*

—Eleiztarren alde: sinismena landu eta gaurkotu daien, eta beti bilatu daien Jainkoari eskuzabaltasunez erantzutea, *eskatzen deutsugu, Jauna*.

—Bizitza gero ta erosoago ta hobeago baten atzean gabizanak gure ingurura ere begiratu daigun, eta hartu daiguzan gogoan bizitza hobeago baten bila gure artera datozenak, *eskatzen deutsugu, Jauna*.

—Eukaristia hau ospatzeko alkartu garanok Jainkoari non eta zelan entzun ikasi daigun, eta esker onezko erantzuna emon ahal izan deiogun Santa Apolonia eredu dogula, *eskatzen deutsugu, Jauna*.

† Zure Barri Onaren autorle nahi gaituzun Jainko Aita: egin gaizuz geu ere Santa Apoloniaren antzeko sutsuak gure sinismena autortzen. Jesukristo gure Jaunaren bitartez.

—Amen.

JAUNARTZERAKO ABESTIA

1. Ogi hau jaten dauanak izango dau bizia.

Kaliz hontan aurkitzen da Jainko-odol guztia:

R/. Hor dogu janaria ta hor gure edaria.

2. Jaungoikoak deitzen gaitu: bera dogu janari.

Beragan dogu aurkitzen osasuna ugari.

R/. Zelan begiratzen deutson Jainkoak gizonari!

3. Danok gaur jaten badogu ogi bat mahai batean ezin izan gorrotorik gaurtik gure artean.

R/. Alkar maitatu dagigun Jesusen izenean.

Azken abestia



*—Jesus, munduko argia.
Jesus, zinezko Egia.
Jesus betiko Bizia.*

Gure bihotz barruan
biztu zure argia,
gaitezan gu munduan
argi Jainkoz betia.